

龍錄郡 見前 龍錄

封山郡 今廉州府合浦縣及欽州地 安金

鹽山郡 杜同 上七郡屬越州

按大清一統志鹽田郡疑即五代之鹽場縣當在今合浦縣東南界

右南齊書州郡志

梁

越州合浦郡舊置越州 見前內一縣今在廉州境 合浦 舊置合浦郡 見前

龍錄郡龍錄舊置龍錄郡 見前 上據隋志屬揚州

右隋書地理志

按梁陳二書無志隋志雖名五代志實則以隋為主附書四代之制耳置立州郡已不能詳領縣更不能考今取隋志兼考諸書錄之其不可知者從略焉

隋

合浦郡舊置越州大業初改為祿州尋改為合州 今廉州府統縣十一內三縣在今廉州境 合浦 舊置合浦郡平陳廢 封山 大業初廢廢昌縣入 龍錄 舊置龍錄郡平陳廢

初又併大廉縣入 見前 屬揚州

右隋書地理志

唐

廉州合浦郡本合州武德四年曰越州貞觀八年更名以本大廉洞地天寶元年改爲合浦郡縣四俱在今廉州境合浦 封山上二縣 蔡龍
大廉上三縣今 靈山地

按廉州新唐書屬容州都督府舊唐書屬安南都護府
右新舊唐書地理志

五代漢

廉州領縣四同上 合浦 封山 蔡龍 大廉

常樂石康縣本常樂州南漢立十通春秋云及置博電零綠鹽場三縣與地廣記合廉

按薛歐二史缺略不全南漢州縣多不可考今據十國春秋地理志及輿地廣記編次

宋

廉州合浦郡開寶五年廢封山蔡龍大廉三縣移州於長沙場置石康縣太平興國八年改太平軍置海門鎮咸平元年復縣二

見前 合浦 石康本常樂州
宋併爲縣

右宋史地理志

元

廉州路至元十七年復設總管府領縣二 見前 合浦 石康 屬湖廣等處行中書省

右元史地理志

明

廣州府洪武元年及府七年十一月降為州十四年五月復為府領州一縣二

合浦 洪武七年十一月
十四年五月復

史明史地理志

清

廣州府領州一縣二 合浦附郭 欽州 靈山 光緒十五年改欽州為直隸州與廉州府分治光緒二十餘年改遂溪隸屬

之濶洲入合浦以永安司巡檢移駐

杜佑通典云廉州 今理合浦縣 秦象郡地漢置合浦郡後漢同吳改為珠官晉為合浦郡宋因之兼置臨漳郡及越州 臨漳郡齊又因之

煬帝改為祿州復改為合州又廢州置合浦郡大唐置廉州或為合浦郡縣四 合浦 封山 蔡龍 大唐 漢台

太平寰宇記云太平軍理海門本廉州皇朝開寶五年自舊州理移西南四十里地名長河置州併封山蔡龍大原三縣為合浦

一縣仍廢常樂州以博電零綠 鹽場 三縣為石康一縣來屬至太平興國八年廢廉州移就海門三十里建太平軍其廉州併入

石康一縣廢常樂州元領縣四今一三縣存博電零綠鹽場廢廉州元領縣四今浦封山蔡龍大原四縣併廢入石康

太平寰宇記載勘云石康縣本屬常樂州國朝會要廉州石康縣注云開寶五年廢常樂州以博電零綠鹽場三縣置九域志亦

云以三縣地置石康縣詳此則常樂元領縣三後改為石康縣乃記稱元領縣四今一三縣以石康為舊縣恐誤

王存元豐九域志云廉州合浦郡軍事太平興國八年改為太平軍咸平二年復為州治合浦縣縣二開寶五年省封山蔡龍大

廉三縣入合浦以舊常樂州博電零綠鹽場三縣地置石康縣太平興國八年省合浦縣入石康咸平元年復置

歐陽文 心圖 輿地廣記云廉州古百越之地秦屬象郡漢屬合浦郡東漢因之吳改曰珠官郡晉復曰合浦宋分立臨漳郡兼

立越州齊梁陳因之隋平陳郡廢大業初改州曰祿州尋改為合州又廢而為合浦郡唐武德四年立越州貞觀八年改名天寶

為越州貞觀中改為廉州皇朝開寶五年省封山蔡龍大廉三縣入合浦太平興國八年省合浦入石康咸平元年復故封山蔡龍唐武德五年置屬姜州貞觀十年來屬故大廉縣武德五年分合備置 下石康本常樂州南漢立及置博電零綠鹽場三縣皇朝開寶五年廢州省縣以其地置石康縣來屬

王象之輿地紀勝云廉州合浦郡軍元和郡縣志古越地也漢平南越置合浦郡今州即漢合浦郡理也圖經云吳黃武七年改為珠官郡尋為合浦宋置越州元和郡縣志大業三年廢合州為合浦郡通鑑唐平蕭銑隋合浦太守甯宣來降罷合浦郡又為越州元宗改為合浦郡後復為廉州皇朝平嶺南廢常樂州以常樂司封高城石巖四縣地置石康縣來屬廢廉州於海門鎮置太平軍國朝會要在廉州 西曆二十五年依舊為廉州國朝會要在咸平元年敕准此置津素與合浦目為軍額 昭鬱輿情合剖竹之曰復効還珠之守宜依舊戶廉州領縣二治合浦 合浦上倚郭 石康下

按開寶五年以常樂司封高城石巖四縣置石康來屬司字乃州字之誤封字下脫山字考寰宇記九域志諸書皆云開寶五年廢常樂州之博電零綠鹽場地置石康縣與輿地紀勝不合宋史地理志云開寶五年廢封山蔡龍大廉移州治於長沙場置石康縣又與諸說互異長編云開寶五年上按嶺南圖籍州縣多而戶口少命知廣南潘美及轉運王明度其地里并省以便民四月廢常樂州據此是開寶四年平嶺南省封山蔡龍大廉入合浦至五年乃廢常樂州以博電零綠鹽場三縣置石康縣又以封山蔡龍大廉省入之合浦為州治若象之所云封山高城石巖亦祇有三縣而無四縣且石巖一縣不見往籍其說未為可據宋時輿地諸書如寰宇記九域志輿地廣記皆作於北宋時南渡以後之沿革蓋莫詳於此書今備錄之亦抱殘守缺之一助爾

周氏舊志云廉州府自漢武帝元鼎六年平南越始置合浦郡領縣五曰合浦曰徐聞曰高涼曰臨允曰珠崖三國孫吳時改合浦郡為珠官郡尋復為合浦郡仍領縣五晉因之劉宋泰始七年以合浦析置臨郭越州二郡齊梁及陳皆因之隋大業初廢合浦郡為綠州尋改為合州又廢州為合浦郡治合浦縣唐武德四年改合浦郡復為越州五年置縣四曰高城曰安昌曰大廉曰

大都貞觀八年改爲廉州屬嶺南道因地有大廉峒故名領縣四曰合浦曰封山曰蔡龍曰大廉天寶初復爲合浦郡隸邕管經略使乾元初復爲廉州唐末五季屬南漢所據宋開寶五年徙州治於長沙場太平興國八年改置太平軍元祐間徙海門鎮今即用治咸平初復爲廉州領縣二曰合浦曰石康元置廉州路屬海北海南道宣慰司明洪武元年改爲廉州府七年降爲州隸雷郡十四年復爲府領州一縣三曰欽州曰台浦曰靈山曰石康

周氏舊志又云合浦漢元鼎六年始置縣屬合浦郡吳晉因之隋廢唐復之隸越州貞觀元年改越州爲廉州宋併山封蔡龍大廉三縣入焉置合浦石康二縣仍隸廉州元因之洪武二年改路爲府縣屬如舊九年改府爲州省合浦領石康縣十四年仍置合浦石康如舊南漢常樂州宋廢州以常樂司封高城石巖四縣地置石康成化八年石康爲西省土寇殘破併入合浦

存舊志以
備參考
上二
則歸

右參訂府志

輿地志

形勝

合浦嶺表遐邑山勢起伏川流灣迴龍門跨其東州江遶其西縣治屬廉郡附郭所據當平行之地形勢面海背山南十里名乾體海口為廉城門戶西南八十里名冠頭嶺再西名大觀港即大洗港為合浦右腋東南八十里名珠場八寨瞰視大海舊設白龍城有輔車之義焉自城而東約二百里有永安所城為合浦左腋乃高雷瓊海道咽喉濶洲在珠母海中周廣四十餘里易於藏垢且由乾體至冠頭嶺大觀港數百里海面遶闔逼近郡城設海外有警揚帆倏忽可到門庭之患宜防也迤北山鄉錯雜於粵西博白興業貴縣鬱林奸宄易聚信立永豐等隘清湖古立等營規制具在未雨綢繆不可不知周志

內五關

水鳴關

冷水關

風門關

溫湯關

沙黎關

俱屬內地

外八關

牛藤關

馬頭關

九叉關

沙尾關

騰柯關

丹竹關

木頭峒

樟木關

已上內外關防守最詳

兵制合浦志

白龍所八寨

川江寨

至調埠三里至平江池十里守軍十一名

調埠寨

至珠場十里至平江池十里守軍十一名

隴江寨 至調埠三里至平江池十里守軍十一名
珠場寨 至北沙二十里至平江池十里守軍十一名

已上俱近珠池不可插箔

白沙寨 至武刀十里至楊梅池十里守軍十一名

武刀寨 至龍潭十里至楊梅池十五里守軍十一名本寨沙尾有箔五所俱在池不可插

龍潭寨 至古里十里至青嬰池十五里守軍十一名

古里寨 至冠頭嶺十里至青嬰池二十里守軍十一名

西場寨 至大觀港東去葛麻江二里許守軍十一名

已上八寨珠池禁探守軍俱廢 按八寨雖在腹郡然地近沿海支港交錯匪蹤易於出沒故附載之

永安所八寨

烏兔寨 至凌祿五十里至烏泥池十五里守軍五名

凌祿寨 至英羅十里至烏泥池十五里守軍五名

英羅寨 至蕭村五里至烏泥池十五里守軍五名

蕭村寨 至井村五里至烏泥池十五里守軍五名

封達寨 至豐城十里至海珠沙十里守軍五名

井村寨 至封達五里至海珠沙十里守軍五名

黃泥寨 在大原港之北去海珠沙愈遠後無守軍 俱會爾志增輯

豐城寨 至黃泥丁里至海環沙十里守軍五名 已上八寨守軍俱廢

右採錄府志

今考合浦地勢北高南下愈近海則愈低下附城珠江靖海一帶俱屬平原惟城南八十里之冠頭嶺崛起屈曲回抱而成北海港扼船舶入港之口有礮臺數座與地自相聯絡本邑之鎖鑰也乾體扼江海之交巖築礮臺於八字山猶內戶也城東南八十里有榕根港西石頭埠而東沙尾對遠隔海相望水深可容巨舶亦稱險要永安城踞東海岸扼高雷瓊海道之吭港汊錯綜可資防守舊志所謂左腋也大觀港位於西境海面遼闊為欽廉通航之要道舊志所謂右腋也瀾洲島峙立海中南部石壁插天虜瓊航綫所必經本邑之外戶也若水鳴等內五寨牛藤等外八寨昔為防禦重地今形勢變遷無足輕重矣

瀾洲舊屬遂溪光緒中改隸合浦以縣丞移駐此洲倚北海為肩背而以龍門為襟帶龍門者枕交夷之衝與越南交界之西覘沙接近為粵東全省西路咽喉龍門設防必連結北海成犄角之勢而以瀾洲為腰站防海者所當注重也

六萬山橫互於桂省邊境桂符竊據歷經粵桂兩軍會勦山深林密此攻彼竄難收全效五黃嶺峯巒起伏連綿百里亦盜賊之藪光緒間用兵勦粵數年始平白石嶂為匪徒往來山海間駐紮之所乃本邑東南部及桂省之博白所引為大患皆稱險要之區焉

合浦縣志卷一

輿地志

境界附面積 分野

漢

合浦郡雒陽南九千一百九十一里 續漢書郡國志

唐

合浦郡廉州東至南昌郡二百里南至招義郡三百里西至甯越郡五百里北至懷澤郡一百里東南到南昌郡三百伍十里西南到招義郡五百七十里西北到安南郡都護府一千里東北到甯越郡七百里去西京六千五百肆十里去東京五千八百三十里

通典

廉州至京師六千五百四十七里去東都伍仟八百三十六里東至白州二百里南至瓊州三百伍拾里西北至南安府一千里北至領州七百里 舊唐書地理志

宋

廉州地里東京五千六百三十里東至本州里一百二十五里自界首至白州一百四十四里西至本州界一十五里自界首至欽州一百七十五里南至海八十里北至本州界一百四十伍里自界首至橫州一百三十里東南至海七十里西南至海一十五里東北至本州界一百六十一里自界首至白州一百里西北至本州界一百四十伍里自界首至欽州一

江浙本九城俱作二百里志

太平軍境東西三百伍十里南北四十里新置軍未有至京里數四至八到東至蓬彭與白州分界三百四十里南至白沙枕大海一十伍里西過水至太灣隔海與欽州分界十五里北至榕木水與欽州分界二十伍里東南至甯海珠池極海崖與瓊州相對處四十四里東北至鬱林州界三百四十里西南至鹿井與欽州烏土鎮接界西北至石鳥嶺與欽州分界二十里 寰宇記

明

廉州府東至化州石城縣界一百三十里西至廣西上思州三百三十里南至海岸八十里北至廣西南甯府橫州界二百六十里自府治至南京伍千六百廿里至京師九千六十伍里附郭曰台浦縣西一百肆拾里曰欽州北一百二拾里曰靈山縣 廣東圖經
廉州府東距布政司千二百十里 明史地理志

廉州府東至高州府二百六十里南至海岸八十里西至廣西上思州界五百三十里北至廣西橫州三百里西北至廣西南甯府三百五十里東北至廣西博白縣二百里自府治至布政司一千二百六十里至南京五千六百二十里至京師九千六十五里 方輿紀要

清

廉州府在省治西南地方一千一百二十五里廣六百四十里袤四百八十五里
東至高州石城縣吳浦界一百八十里
西至廣西上思州 平勞 羊嶺三百八十里
南至冠頭嶺海岸界八十里
北至廣西橫州勒竹鋪三百六十里